

ELEMENTUM V.

De Triangulis Rectilineis.

AXIOMA Euclideum est, duas rectas
 lines spatium non comprehendere. Si
 enim duæ rectæ lineæ ex una parte co-
 eant ad efficiendum angulum, necessa-
 riò ex altera parte semper magis ac ma-
 gis disjungentur, si producantur. Per-
 spicuum est ergò, ut superficies plana,
 spatiumve quocumque rectilineum ex om-
 ni parte concludatur, duabus rectis li-
 neis tertiam adjungi oportere; ità enim
 conficietur spatium triangulare, seu fi-
 gurarum rectilinearum prima, ex qua
 Quintum hocce Elementum ordimur.

DEFINITIONES.

200. *Figura rectilinea est plana super-
 ficies rectis lineis, quæ latera vocantur,
 terminata. Hæc figura Triangulum no-
 minatur, si tribus dumtaxat rectis cir-
 cumscribatur: Quadrilaterum, si qua-
 tuor: Polygonum, si plus, quàm quatuor
 rectis lineis terminetur.*

201. *Habitâ ratione laterum, dividi-
 tur triangulum planum rectilineum, de
 quo dumtaxat agimus in hoc Elemento,
 in æquilaterum, isosceles, & scalenum;
 habitâ verò ratione angulorum, dividi-
 tur in rectangulum, amblygonium, seu
 obtusangulum, & oxygonium, seu acu-
 tangulum.*

TAB. 202. *Triangulum Æquilaterum est*
 V. *illud, cuius tria latera sunt inter se æqua-*
 Fig. *lia: Ifofceles, cuius duo tantum latera*
 113. *sunt æqualia: Scalenum, cuius omnia la-*
 114. *tera sunt inæqualia.*

115. 203. *Triangulum Rectangulum dicitur*
 Fig. *illud, quod unum trium angulorum*
 111. *habet rectum: Amblygonium, seu Obtus-*
 110. *angulum, cuius unus angulorum est obtu-*
 113. *sus: Oxygonium verò, seu Acutangulum,*
 113. *cuius tres anguli sunt acuti.*

204. *Latus, super quo construi triangulum*
intelligitur, vocari solet Basis trianguli.
Huic oppositus angulus appellatur
eiusdem summitas, seu Vertex; & perpen-
dicularis à summitate in basim demissa,
dicitur Altitudo trianguli; quippe quæ
est omnium linearum minima, quæ distan-
tiam summitatis à basi metiatur.

Fig. 109. *Quamobrem, si in triangulo ABC*
 109. *sumatur latus BC pro basi eiusdem, angulus*
 A *erit summitas, & perpendicularis AD*
erit altitudo.

Fig. 110. *Quòd si triangulum sit inclinatum, per-*
 110. *pendicularis BD in basim AC productam*
cadit; & similiter trianguli altitudinem
metitur.

Fig. 111. 205. *In omni triangulo rectangulo ABC*
 111. *latus AC oppositum angulo recto B, vocatur*
Hypotenusæ.

Fig. 112. 206. *Si trium angulorum vertices A,*
 112. *B, C existant in circumferentia circuli,*
trian-

*triangulum inscriptum circulo dicitur ,
& circulus circumscriptus triangulo.*

PROPOSITIO I.

207. Problema. *Triangulo eirculum
circumscribere.* Euclid. lib. 4. prop. 5.

Constr. , & Demonstratio. Pater ex
n. 131. Perinde enim est per tria data
puncta A, B, C non ad unam rectam
posita eirculum describere.

PROPOSITIO II.

208. Problema. *Super datâ rectâ AB* TAB.
V.
triangulum æquilaterum construere. Eu-
clid. lib. I. prop. I.

Constructio. Centro A intervallô AB Fig.
113.
describatur arcus GC ; & rursum cen-
tro B eodem intervallô alius , qui priori
occurret in C ; ducanturque rectæ CA,
CB. Dico factum.

Demonstratio. Latera singula CA &
CB sunt æqualia eidem tertio lateri AB
per Definit. circuli. Ergò (n. 36.) sunt
æqualia inter se. Quare triangulum A
CB est æquilaterum. Quod erat &c.

PROPOSITIO III.

209. Problema. *Super datâ rectâ AB* TAB.
V.
triangulum isosceles construere.

Constructio. Centris A & B, intervallô
verò majore , quàm AB , si datam re-
ctam esse velimus minus latus , vel mi-
nore , si eandem in latus majus eligamus,
describantur duo arcus, qui sese invicem Fig.
114.

secent in C ; ducanturque rectæ CA, CB. Dico factum.

Demonstratio. Patet ex constructione. Quoniam AC, BC æquales erunt propter æquale intervallum assumptum, majus scilicet, aut minus, quàm recta AB. Quod erat &c.

PROPOSITIO IV.

210. Problema. *Super datâ rectâ AB triangulum scalenum construere.*

TAB. V. Fig. 115. *Constructio.* Centris A & B, intervallis utrinque inæqualibus inter se, & cum data recta AB, describantur arcus sibi mutuò occurrentes in C ; junganturque rectæ CA, CB. Dico factum.

Demonstratio consequitur ex inæqualitate intervallorum, quæ assumpta fuerunt in constructione.

PROPOSITIO V.

211. Theorema. *Omnis trianguli duo quælibet latera reliquo sunt majora.* Euclid. lib. I. prop. 20.

Demonstratio immediatè consequitur ex definitione lineæ rectæ (n. 22.), & ex n. 28.

PROPOSITIO VI.

TAB. V. Fig. 116. 212. Problema. *Ex tribus datis rectis BO, BL, LO, quarum duæ quælibet re-liquæ sint majores, triangulum consti- tuere.* Euclid. lib. I. prop. 22.

116. *Constructionem, & demonstrationem habes in prop. I., & sequentibus.*

Scho-

Scholion.

Quæ consequuntur Theoremata, in Euclidea demonstrandi methodo videri solent, saltem pleraque, subobscuriuscula Tironibus, ut notat etiam Clavius lib. 1. prop. 5. in scholio, propter multitudinem linearum, & angulorum, quibus nondum assueti sunt. Horum itaque demonstrationem ex Prop. 1. 5. 6. Elem. 4. multò planiorem dabo, minùsque intricatam linearum occurſu, & angulorum copiâ.

PROPOSITIO VII.

213. Theorema. Omnis trianguli ABC tres simul anguli duobus rectis sunt æquales.

Ac proinde conficiunt gradus 180.
Euclid. lib. 1. prop. 32. pars 2.

Demonstratio. Triangulo ABC circumſcribe circulum [n. 131.]. Angulus quivis, cujus vertex est in circumferentia, habet pro mensura semissem arcûs à suis lateribus intercepti (n. 171.) Sed trianguli tres simul anguli A, B, C totam circumferentiam suis lateribus intercipiunt. Ergò tres simul anguli habent pro mensura semissem circumferentiæ, atque adeo duobus rectis æquales sunt. Quod erat &c.

Aliter ex theoria parallelarum. Producaturs latus BC in O; ducaturque CD parallela lateri AB. Alterni anguli A & ACD sunt æquales; & internus B

G 3

par

TAB.
V.
Fig.
117.

Fig.
118.

par est externo DCO ad eandem partem (n. 108. & 110.). Tres itaque anguli trianguli ABC æquales sunt tribus angulis ACB, ACD, DCO ad unum punctum C constitutis, qui duos rectos conficiunt (n. 81.). Quod erat &c.

Corollarium. I.

214. Tres simul anguli cujusvis trianguli æquales sunt tribus simul cujuscumque alterius.

Corollarium II.

215. Si in uno triangulo duo anguli aut singuli, aut simul, æquales sint duobus angulis aut singulis, aut simul in altero triangulo, etiam tertius tertio æqualis erit.

Corollarium III.

216. Si in triangulo unus est rectus, reliqui duo simul etiam unum rectum conficiunt; & horum quilibet erit acutus.

Corollarium IV.

217. Si in triangulo unus est obtusus, reliqui duo simul rectò minorem conficiunt; & horum quilibet erit acutus.

Corollarium. V.

218. Itaque omne triangulum habere potest unicum angulum rectum, unicum obtusum, tres acutos; rectum verò cum obtuso habere non potest.

Corol-

Corollarium VI.

219. Omnis trianguli duo quicumque anguli duobus rectis minores sunt. *Euclid. lib. 1. prop. 17.*

Definitio.

220. *Rectilineæ figuræ externus angulus est, qui producto latere extra figuram oritur.* Fig. 118.

Talis est angulus ACO.

PROPOSITIO VIII.

221. Theorema. *Omni trianguli ABC externus quivis angulus ACO duobus internis oppositis A & B æqualis est.* *Euclid. lib. 1. prop. 32. pars 1.*

Demonstratio. Triangulo ABC circumscribatur circulus. Angulus externus ACO habet pro mensura $\frac{BC}{2}$ +

$\frac{AZC}{2}$ (n. 195.). Atqui angulus A habet

pro mensura $\frac{BC}{2}$, & angulus B habet TAB. V.

pro mensura $\frac{AZC}{2}$ (n. 171.) Ergo Fig. 119.

summa mensurarum utriusque anguli interni oppositi A & B metitur angulum externum ACO; & consequenter externus angulus duobus internis oppositis æqualis est. Quod erat &c.

Aliter ex theoria parallellarum. Producaturs latus BC in O; ducaturque CD parallela lateri AB. Alterni anguli A & Fig. 118.

ACD sunt æquales ; & internus B par est externo DCO. Ergò angulus externus ACO, hoc est, $ACD + DCO$, æquatur summæ duorum internorum oppositorum A & B. Quod erat &c.

Corollarium.

222. Ergò angulus externus ACO major est alterutro internorum oppositorum.

Scholion.

223. Ab hoc Theoremate immediatè, tanquam totidem corollaria, deduci possent omnia ea, quæ Elem. 4. demonstravimus, Theoremata de mensura angulorum, quorum vertex est vel inter centrum, & circumferentiam, vel etiam extra circumulum. Itaque

TAB. I. Angulus BAC, cujus vertex est V. inter centrum, & circumferentiam, habet pro mensura semissem arcûs BC à suis lateribus intercepti, & semissem arcûs FG intercepti à lateribus sibi oppositi anguli.

Nam, ductâ chordâ BF, angulus BAC externus respectu trianguli ABF, æquatur duobus internis oppositis F & B ; & consequenter habebit pro mensura summam mensurarum horum duorum angulorum, hoc est, $\frac{BC}{2} + \frac{CD}{2}$ (n. 171.).

TAB. V. II. Angulus BAC, cujus vertex est extra circumulum, habet pro mensura semissem arcûs concavi BC à suis lateribus intercepti, minùs semissi arcûs convexi DE

ab iisdem pariter lateribus comprehensi.
 Nam, ductâ chordâ BE, angulus BE
 C erit externus triangulo ABE. Quare
 angulus $A+B = BEC$; consequenter
 angulus $A = BEC - B$. Atqui (n. 171.)

BEC habet pro mensura $\frac{BC}{2}$, & angu-
 lus B pariter pro mensura habet arcum
 $\frac{DE}{2}$. Ergo angulus A, sive $BEC - B$,

habet pro mensura $\frac{BC}{2} - \frac{DE}{2}$.

PROPOSITIO IX.

224. Theorema. In eodem triangulo
 ABC latera AB, AC opposita æquali-
 bus angulis C & B sunt æqualia. TAB.
V.

Et reciproce, anguli æqualibus lateri-
 bus oppositi sunt æquales. Euclid. lib. I. Fig.
117.
 prop. 6.

Demonstratur I. pars. Quoniam an-
 gulus $B = C$, erit arcus $AZC = AXB$
 [n. 179.]; & consequenter chorda, seu la-
 tus $AC = AB$ (n. 135.). Quod erat
 primum.

Demonstratur II. pars. Nam, quia
 latus $AB = AC$, erit arcus $AXB = AZC$
 [n. 135.]; & consequenter angulus $C =$
 B (n. 179.). Quod erat alterum.

Corollarium I.

225. Æquiangulum ergo triangulum
 etiam æquilaterum est. Et vicissim.

Corollarium. II.

226. Trianguli isoscelis, seu æquicru-
ri ad basim anguli sunt æquales. Et vi-
cissim, si anguli ad basim sint æquales,
triangulum est isosceles. *Euclid. lib. 1.*
prop. 5.

PROPOSITIO X.

TAB. 227. Theorema. *In eodem triangulo*
V. ABC *latus majus AB opponitur angulo*
Fig. *majori C.*

112. *Et reciprocè, angulus major C oppo-*
nitur majori lateri. *Euclid. lib. 1. prop. 18.*
& 19.

Constructio. Triangulo ABC circum-
scribatur circulus

Demonstratur I. pars. Quoniam an-
gulus $C > B$, erit arcus $AXB > AZC$
(n. 179.); & consequenter chorda, seu
latus $AB > AC$ (n. 135.). Quod erat
primum.

Demonstratur II. pars. Nam, quia
latus, seu chorda $AB > AC$, erit arcus
 $AXB > AZC$ [n. 135.]; & conse-
quenter angulus $C > B$ (n. 179.) Quod
erat alterum.

Corollarium.

228. Triangulum itaque, cujus tres
anguli sunt inæquales, habet tria latera
inæqualia, adeoque scalenum est. Et re-
ciprocè.

TAB.
V.

PROPOSITIO XI.

Fig. 229. Theorema. *Si duorum triangu-*
122. *lorum ABC, MOP latus unum AB*
123. *uni*

uni MO, & alterum AC alteri MP sit æquale, angulique A & M ab illis lateribus facti etiam sint æquales, æquabuntur & bases, & tota triangula, & reliqui ad basim anguli. Euclid. lib. I. prop. 4.

Demonstratio. Vertex A anguli BA C superimponatur vertici M anguli æqualis OMP, ita ut latus AB cadat super latus ipsi æquale MO. Perspicuum est [n. 46.], quod latus AC cadat supra latus MP, & punctum C in P; nam AC = MP. Ergo tria puncta A, B, C cadent supra tria puncta M, O, P; atque adeo basis BC tota cadet supra totam basim OP, totaque triangula sibi mutuò congruent. Omnia igitur per axioma 4. n. 36. sunt æqualia. Quod erat &c.

PROPOSITIO XII.

230 Theorema. Si duorum triangulorum ABC, MOP latus BC = OP, angulique illis lateribus adjacentes, nimirum, B & C, ipsis O & P fuerint æquales, omnia reliqua, & triangula ipsa æqualia erunt.

Demonstratio. Latus OP superimponatur lateri sibi æquali BC. Puncta O & P cadent supra puncta B & C; quoniam OP = BC. Sed quia angulus O = B latus MO cadet supra latus AB; & quia angulus P = C, latus PM cadet supra

A

AC [n. 46.]. Ergò tria latera trianguli MOP cadent supra tria latera trianguli ABC. Ergò omnia sunt per axioma 4. n. 36. æqualia. Quod erat &c.

PROPOSITIO XIII.

231. Theorema. Si duo triangula B CA, BCD duo latera BC, CA duobus TAB. BC, CD, alterum alteri æqualia habue-
V. rint; unum verò triangulum angulum
Fig. illis lateribus contentum BCA majorem
124. babeat alterâ BCD, habebit quoque ba-
125. sim BA majorem basi BD.

Et reciprocè, si basim majorem habue-
rit, habebit angulum majorem. Euclid.
lib. I. prop. 24. & 25.

Constructio. Vertex C anguli BCA superimponatur vertici C anguli BCD, hâc lege, ut latus BC primi cadat supra latus ipsi æquale BC secundi; tum factò centrò in C, intervallò CA describatur circumferentia, quæ transibit per D; nam $CA = CD$; denique producatür latus BC, donec circumferentiæ occur-
rat in E. His positis

Demonstratur I. Pars. Quoniam angulus BCA major est angulò BCD, etiam arcus OA, mensura anguli BCA major erit arcu OD, mensurâ anguli BCD Ergò punctum A proximius, punctum D remotius erit ab extremitate E rectæ BE transeuntis per centrum; atque hinc sequitur (n. 132.) $BA > BD$. Quod erat primum.

Demon-

Demonstratur II. pars. Nam, quia basis BA major est basi BD, punctum A proximius, punctum D remotius erit à termino E rectæ BE transcuntis per centrum (n. 132.): hoc est, arcus EA < arcu ED. Ergò arcus OA, mensurâ anguli BCA major est arcu OD, mensurâ anguli BCE; & consequenter angulus BCA > angulo BCD. Quod erat alterum.

PROPOSITIO XIV.

232. Si duo triangula ABC, MOP TAB. V. Fig. 122. 123. habuerint omnia latera sibi mutuo æqualia, etiam angulos omnes æqualibus lateribus oppositos habebunt æquales. Euclid. lib. 1. prop. 8.

Demonstratio. Ut duo proposita triangula ABC, MOP demonstrantur perfectè æqualia, satis est (n. 229.), si ostendatur duos angulos, puta, ABC, MOP, fore æquales; quod ex præcedenti Prop. consequitur. Nam, si anguli ABC, MOP essent inæquales, latera AC, MP hisce duobus angulis opposita, non essent æqualia, contra hypothefin. Quod erat &c.

Scholion.

233. Habes jam tres præcipuos characteres, ac signa certissima, quibus evidenter constare tibi possit, an duo triangula sint perfectè æqualia. Quia verò hæc æqualitatis perfectæ signa magni sunt usus

Fig. *usûs in Geometria, non erit abs re horum*
 122. *synopsim hęc locõ instituire ad iuvandam*
 123. *Tironum memoriam.*

Duo triangula ABC, MOP erunt
 perfectè æqualia.

I. Quando habuerint omnia latera sibi
 mutuo æqualia (n. 232.):

II. Quando duo latera unius duobus
 alterius æqualia habuerint, utrumque
 utrique, & angulum angulo æqualem sub
 æqualibus lateribus contentum (n. 229.):

III. Quando latus unum uni æquale
 habuerint, angulosque illis lateribus ad-
 jacentes æquales, utrumque utrique (n.
 230.).

Ex hoc triplici criterio, quõ duorum
 triangulorum perfectæ æqualitas decerni-
 tur, triplex aperitur via resolvendi se-
 quens Problema.

PROPOSITIO XV.

TAB. 234. Problema. Triangulum MOP
 V. construere æquale dato triangulo ABC.

Fig. Primus resolvendi modus. Fiat MP
 126. par lateri BC trianguli ABC; tum cen-
 127. trõ M, intervallõ BA describatur arcus
 EOF; & centrõ P, intervallõ AC de-
 scribatur arcus GOH, qui priorem fe-
 cet in O; ducanturque rectæ OM, OP.
 Dico factum.

Demonstratio. Nam omnia latera per
 constructionem sunt mutuo æqualia.
 Quod erat &c.

Secun-

Secundus resolvendi modus. Fiat angulus MOP [n. 64.] æqualis angulo B A C dati trianguli; tum cape $OM = AB$, & $OP = AC$; ducaturque recta MP. Dico factum.

Demonstratio. Nam duo triangula habent duo latera duobus lateribus æqualia, utrumque utrique, & angulum angulo æqualem sub æqualibus lateribus contentum. Quod erat &c.

Tertius resolvendi modus. Fiat $MP = BC$; ducanturque rectæ MO, PO, quæ cum recta MP angulos M & P efficiant pares duobus angulis B & C (n. 64.) dati trianguli ABC, & concurrant in O. Dico factum.

Demorstratio. Nam anguli æqualibus lateribus adjacentes sunt æquales. Quod erat &c.

PROPOSITIO XVI.

235. Theorema. Si à terminis unius ^{TAB.} lateris AC intra triangulum ABC duæ I. rectæ jungantur AD, CD, hæc lateribus Fig. trianguli AB, CA minores sunt, majorem verò angulum ADC comprehendunt. 26.

Euclid. lib. I. prop. 21.

Prima pars demonstrata est n. 88.

Demonstratur II pars. Produc AD in E. Angulus externus CDA (n. 221.) major est angulo internò DEC, qui, cum sit externus respectu anguli B, eòdem pariter major est. Ergo ADC multò major est, quàm B. Quod erat &c.

ELE-